


明次百六之七



石倉十二代詩選

百廿九


漢書門類			
三	七	四	五
九	七	四	五
一	一	一	一
四	二	二	二
冊	架	函	號

內閣文庫			
三	三	漢	
九	七	書	
函	四		
一	四		
六	二		
架	冊		
	五		
	號		

內閣文庫			
番號	漢	3745	
冊數	142 (131)		
函號	319	25	

明次集百六之七

百廿九



石倉十二代詩選

明次集卷之一百六

有涯集

大明

信陽孟 洋著
後學曹學佺閱

別家

淺草文庫

僕夫早嚴駕行行之楚鄉依依戀故里尊俎臨
道傷親友偕集送兒女泣成行隣國非遐征歲
月未可量白露塗郊原秋草日焜黃沙翕金棲
宿鴻雁東西翔且為斯須留日晚途路長不云
行役苦徒令居者傷

石倉十二代詩選

明次集卷之一

次集卷二百六

一

洋

宿華陰懷馬侍御按節河中

客路倦茲遊空堂此何夕
明燈促簿書春星動
簷隙渭北鴻雁來猿吟
華山側濁流一何深
佳人杳難卽遙遙欽德音
茫茫阻顏色笑言故山
廬繁華憶疇昔皎月照
巖阿疑霜肅荆棘蕭蕭
驄馬鳴豺狼遁其跡豈
不慰遐思終焉感離析
思欲往從之安能生羽
翮臨風緘素書書短不
盈尺上言加殮飯下言
崇明德

貽友人

清雲度高漢落日下
遠戍行子倦孤征稅駕咸
陽暮空林宿雨微虛簷
滴松露悵然懷美人昔
語今不晤濁酒誰爲傾
強歌未成趣豈無四海
士新交不如故

送王子衡巡按陝西得倚字

孤鴻遊八極日暮宿江
汜紛紛四海士緬懷念
君子逍遙幽澗濱采摘
多芳芷嘉晤蒼歲遲乖
別遽千里商飈肅秋林
祖席臨寒涖諒子平生
親贈言豈在累初冬出
函谷飲馬黃河水巉崕

走虎兇夾道生荆棘莫邪鳴鞘中一日再三視
試以寬髀宜衆理良獨耻仰瞻太華巔霜峰碧
空倚丈夫處兩間氣槩諒可擬三邊煇火連漢
南寇蠶起折衝貴笑談何必任鋒矢願言樹名
勲慰我貽尺鯉

贈郭侍御北還

揚旌渡河渭弭節覽周秦靈臺豈經始古道多
荆榛歷險迫崑谷乘危犯沙塵冷冷清風激霜
月鑒幽淪豺虎潛故踪狸鼠安足論中衢有歡
頌窮簷無苦呻鞭笞非所恃風俾江漢淳

追懷張徵君

青青岩畔松漠漠谷中蘭孤貞抱幽寂芳馨恒
自憐移植公府中土性非所便至人尚玄素哲
士保自然靈霞盪心慮塵紛詎能纏守身戒枉
尺行義耻忘筌結廬西山麓泛舟河水湍雖非
金石固神理諒可全生時有遺榮沒爲闕里嘆

漢中太守行贈潘伯振

漢中太守行出門蕭蕭五馬鳴秋原請君繫馬

亭前柳爲君贈言勸君酒漢中巨郡獄訟繁飢
僅頻仍足羣醜蜀川廉范有遺歌關西楊震稱
良守使君才質迥非常十年獻納黃門郎曾將
五色繡龍袞何有一郡分銅章君不見棧道透
迤數千里高山岩堯水瀾瀾此去休歌行路難
擬取循良報天子

送鍾廣州賦得越王臺

漢家南越郡海上起高臺紫翠朝雲映笙簫落
日催千秋樂事今消歇碧榭朱欄臺草沒山鷓
空啼榕葉深荔枝猶待春風發太守來遊發興
豪雪山日鏡擁溟濤右瞰雙溪小回瞻五嶺高
開元宋公韓吏曹賢聲此輩俱翔翽別君且盡
杯中酒越王臺上應回首

夜泊石頭口

初月照江清愁人見月那爲情寂寂空江徒極
一扁舟獨伴漁翁宿舟人盡睡不知醒防夜知
更喚僮僕爇燈起坐心膽摧况乃隔岸聞猿啼
秋潭無雲渚花落寒波欲動風淒淒中流賈爾

何苦猶唱棹歌夜搖櫂北客聞之淚如雨

沽酒行贈牟韋二撫君

漢陽江山秋風悲落葉淒淒愁別離江頭壯士
一相見並馬躊躇數回盼青衫烏帽無光輝云
是長安兩錦衣見君北來動鄉思君來想是從
王畿牟公短軀異標格雙頰凝紅鬚垂白韋君
年可四十強方睂廣額身昂藏欲言向余淚盈
臆昔年奉侍君王側日月麒麟殿上行雲霄虎
豹班中直常承密旨按公卿時有微功佐家國

詎料恩榮不可常朝遊禁闕暮江湘遙瞻北斗
空翹首却想西垣祗斷腸北地南州異風土
暄水濕多憂苦鴻雁高高向日邊關河迢遞何
時還嗟余亦是投荒者低首聞之淚雙下先朝
末載游帝京此時牟公已有聲自從逆醜弄權
術鞭撻朝士無虛日扶忠抗義公所優坐廢罹
刑人共恤今皇誅逆法令明韋公牟公乃齊
名纔看執法拖金紫忽復飄零涉江水貧賤榮
華信有時古今人事皆如此君不見張祿先生

脫廁中相秦富貴傾王公又不見魯朱家奴置
廣柳時來復作河東守與君今見且爲懽別買
江魚共沽酒

顧全州見邀江水漲不能赴

桂林山深晝啼鷓一春三見紅日出鳴雷達曙
雨浪浪洪潦平階仍入室江間浪湧蛟螭翻鯉
魚安得窺龍門渡頭行子立惆悵徒繫扁舟不
可上美人只在水一方百遡千迴道轉長雨中
空見枇杷落飛盡楊花更斷腸

送殷近夫尹靖江

靖江百尺澄秋波江上秋風吹薜蘿蘆花鳧雁
鳴相和江南女兒紅碧衣日凝晴沙薄暮歸手
牽蘭杜不忍違秋容人佩香風微短棹吳歌處
處吟歌長調切傷人心江天月出江水深遠客
聞之淚沾巾孤山此夕好登臨

題畫

丹青妙意畫莫測一幅寫盡秋江色天遠平看
楓樹林雲長不辨鴻飛翼崖半青松縮夕煙洞

門亂石繞寒泉羽客看山坐松下橫琴不語心
悠然孤舟短棹清波裏煙雨霏霏笛聲起蘆葉
青搖洲渚風蓼花紅映江心水松下舟中俱隱
淪城闐車馬徒紛紛悵然省識畫中趣何能歸
來江上同鷗羣

湘水歌并序

我聞越人去國見形似而喜仲尼適齊聞韶
樂而嘆豈不以希音難遇良晤靡常也哉昔
東橋直道謫守湘州賤子多幸放流桂郡慚

非郭李之儔竊幸同舟竟等參商之迹仍悲
各處顧卿懋涵東橋公之子也乃乙亥正月
浮游桂林將命若翁下迎賤子明晤若神才
華如海素質資于庭訓青年邁乎等夷造霸
容儀豈數令狐之兒過戎良久敢謂嗣宗之
鑒竊附古人托交小友宵談以希旦夕遊而
自期興緒雲長辭氣鋒出冠服生洞壑之光
題詠盡江山之麗氣孚趨同蘭深膠合此豈
徒見似之喜聞樂而嘆者哉嗚呼飄蓬踪跡

不可以常折柳心情孰不云苦煙渺渺而碧
蕪遠花霏霏而黃鳥鳴迎落日以舉觴逐征
雲而解纜矧余一枝之棲未安萬里之心常
繫惆悵臨江徘徊送遠卿亦莫賴余復何堪
維茲傾城賢士洎吾在門小子咸覩翺鳳之
姿各贈登仙之咏余亦作歌并序諸首用酬
君子青瑣之章敢辭鄙人白豕之誚乎

湘水綠色波瀾瀾石樹參差岼煙起芳洲蘭葉
搖香風日暮千林萬花紫春無鴻雁隨陽和畫
見獼猴挂薜蘿谷深疑有秦人住澤畔時聞漁
父歌獨愛蘇吳顧虎頭謫官五馬來湘州郡中
無事常高卧忽復乘舟泛碧流醉邀明月不知
返曲奏陽春恒寡酬神簡郎君更清出小顧阿
筆誰甲乙陳荀王謝久塵埃君家一門皆俊才
班揚已去蘇李死氣運文章喜再回德星遠向
庭闈聚堂上春陰覆瑤樹柳山雲物春更嘉翠
竹寒泉啼鳥譁昔人尚有讀書屋君復題詩躡
紫霞


人日

去年人日頽水濱今年人日長安上白雪清尊
 憶故人長煙平樹空遙望苑外寧無楊柳新水
 邊不見梅花放天南地北總支離瘦馬東風倍
 惆悵

漢宮詞

憶昔妾當二八期正是漢家全盛時九重下詔
 擇鸞匹萬國求賢配鳳姿妾身自分非良質百
 萬人中叨第一天子親迎出殿廷輔臣持節下

蓬華蓬華輝光異昔年絲羅延蔓 今日始知
 貴戚失金張不許王侯論甲乙一入金門侍至
 尊奈何相見不相言紅顏未必招人妬薄命何
 堪承主恩主恩深重應難報妾意殷勤那復論
 一別謝君面往駕無旋轅夜夜看星回永巷朝
 朝望日倚長門長門永巷春風起萬卉千花鬪
 芳紫燕子飛過密杏中黃鶯啼向垂楊裏鶯鶯
 燕燕各相依戲蝶遊蜂兩兩飛可憐今日春光
 好可惜明朝春又歸鳳輦常時遊上苑羊車無



歷代詩選
卷之
七
日到重屏豈干侍御還多寵自是君王有萬幾
萬幾閒暇甘遊獵朝出城南暮城北金鞍玉騎
走千軍羽箭琯弓墮雙翼陌上風光自可嘉宮
中粉黛無顏色離宮一萬所別殿九重深豈有
容華希寵愛更求詞賦感君心何人可托黃金
贈薄情不見白頭吟珍珠簾下閑歌舞且取歡
娛謝愁苦自愛瓊簫引鳳皇自愛金杯度鸚鵡
鸚鵡性能言不能到君前一朝被籠絡翠羽徒
自憐不沐君恩奚足惜不見天顏心未懌天下

昇平王萬年妾身生死良何益

舟過城陵磯悼內兄舊巴陵尹

巴陵原上秋草沒岳陽城頭挂殘月嘆逝中宵
懷不開江流嗚咽江猿哀昔行縣中花今餘道
傍柳可憐勁節胡爾爲徒取虛名在人口朝雲
爲雨暮歸山秋燕辭巢春復還青山玉骨何處
起鬼火妖狐滿蒿里思君懶入巴陵遊巴陵道
古生百憂

瀟湘行

歷代詩選

卷之七

次集卷二頁

十

六

歲暮浮瀟湘天空豁心目霽日千林開高雲萬
峰蒨江色巖霏水郭隈垂蘿飛幌隱樓臺踈松
野寺鐘磬響枯葦沙汀鴻雁哀風煙奕奕紛奇
狀海賈湖商日流盪浣婦新粧映綠波漁人密
罟拋洪浪年年歲歲此江津今日人過非昔人
曾聞埋沒屈原骨不復飄零賈誼身楚人宮中
罷歌舞十二峰頭泣雲雨岍上誰家越女謳珠
簾羅幕桂堂幽江南本自山川勝日暮其如客
子愁當昔孫吳漢昭烈衡湘轉戰江流血功臣

名將已寂寥石碑銅柱俱淪滅秦皇威力震羗
胡仍迴車駕徧寰區馳道至今瀟水上秋風惟
見白雲孤白雲孤以飛湘水自南下安得從之
亦北旋東園種竹耕西野

題宋徽宗杏花錦鷄圖

北風十月登華堂堂上春光照花樹雪壁熒熒
絢綺霞晴煙拂拂流香霧彩筆誰將奪化工珍
禽艷萼披霜素洛陽殿前仙杏開錦雞石上矜
毛羽出羣畫手近代無趙宋徽宗爲此圖規規

模寫不足數生意真與乾坤符
煙枝露蘂宛堪折戢翼回頭如有呼
上林韶華竟何似蒲堂醉眼俱模糊
國朝畫者稱林良古松蒼鷹乃所
長後有呂紀善畫鳥形象雖工神色少
帝王妙思非等閑意態不在丹青間
定知萬里胡沙外貌得關河北雁還

天馬行同唐荆川太史遊晉濟寺作

風催白草霜葉丹嶙峋黛色標南極
晨起衝寒恣攀陟捫蘿策杖嗟無力
林壑陰森逕轉迴赤

霞掩映青蓮開殿閣參差翠微畔
黃金作戶玉爲臺玉臺金戶通流水
門外孤峰插天起往往飛花下石壇
啣啣馴鹿臨崖浹脩竹長松煙雨間
鳴琴對奕醉忘還回首氤氳渺城市
悠然身世非人寰江東才子金閨客
遙下天門飛漢節單恩中土煥堯文
覽勝南州探禹穴嵩高伊闕剽遨遊
淮汝風煙亦暫留校書懶卧揚雄閣
作賦常思王粲樓山中載酒攜毫素
盡日謳吟倚雙樹飛泉寒谷生光輝
珠宮畫壁流雲霧蹊路

欣看天馬過駑駘學步愧蹉跎凌風逐電燕臺
去懸想瑤階響玉珂

發上谷

上谷驅車出雲中矚望頻荒山曾過虜殘壘半
無人雲冷低關樹風多暗塞塵翻思戎馬事愁
病轉傷神

明妃曲

朝辭鳳城闕暮出雁門關漢音聞漸少胡語辨
應難玉筋軍中落琵琶馬上彈宮闈閑冶態遮

莫外人看

除日

邊城除日至猶自備戎機馬上驚殘歲河邊對
落暉逢人空問訊逾節始言歸回首年來事徘徊
一振衣

別都玄敬主事改南京禮部

迴車塵路轍停棹故山廬祿薄堪迎養官閒好
著書吳門楓樹色京口菊花初到處宜乘興江
樓坐月虛

過張元德戶部同邃伯二首

登龍來委巷下馬索新題
砌晚蒼苔靜盆陰碧
草齊苦吟憐賈島高論接昌黎
與盡揮鞭去紛
紛月滿蹊

王郎多逸興張子更清談
詞賦誰當並交游我
獨慚晚風聞竹碎霽雨對花酣
轉首成宵夢梅
開湖水南

憩冷泉寺

漫入冷泉寺居然外慮空
雲來千樹黑日歛半

山紅法鼓傳虛殿禪音出上宮
興來孤騎發汾
水正秋風

約蘇天秀年兄會鳴謙驛

季子二年別銅章百里分
形容空有夢消息漫
相聞惆悵西山月淒涼
北塞雲驛樓風日好尊
酒待夫君

中元

沙塞沈沈夕山城瑟瑟風
旅愁紛落木鄉信斷
飛鴻明月誰家好寒砧到院
通應知早成服爲

歷代詩選

寄遠從戎

元宵後聞雁

昨夜元宵節今晨鴻雁音索居纔入耳為客即
驚心楚雪江湖遠燕雲關塞深翻然動春興出
戶已難尋

弘慈寺訪羅侍御不遇

騎馬出城郭逍遙訪所親高林浮薄日古寺入
殘春細細簷花靜嚶嚶谷鳥頻風光助吟咏發
興為誰新

送韓汝節

春月高城上酣歌此宴同旅愁鞞鼓外心事酒
杯中雨雪辭燕甸鶯花過晉宮休將萬里志今
日歎飄蓬

雨中期馮都憲高太守甯僉憲遊賢隱寺

相期遊野寺不寐憶松房細雨蒼山濕高雲碧
殿涼沙行看逸鷺石坐傍幽篁準擬侵晨往衝
泥定未妨

煙

歷代詩選

月五望之

次集卷一百六

七

仰

湘流落日外沙迥暮生煙杳杳千峰失霏霏萬壑連鵲翻知浦樹人語辨江船暗裏猿聲斷愁深攪夜眠

全顧二刺史遊柳山祠

昔慕柳侯迹今逢顧守遊山形盤野壑樹色動江流城郭登臺暮風煙倚閣秋不須松下酌深坐已忘憂

入嶽

僻路疑無日危梯漸入煙暗泉傳石竇高稻疊

山田鷓語深叢裏猿垂古洞邊清秋未搖落百事總堪憐

宿上封寺喜晴

俗傳衡嶽往頻見雨雲俱何事秋天霽能令皓月孤平看窮蜀粵俯影辨江湖敢謂精誠在山靈定有無

黃刺史同登岳陽樓

此地昔曾過危樓今始攀日銜天際樹雲動水中山津驛趨三楚江關控八蠻亂帆何處去風

浪未知還

石首訪趙從之

昔在長安日相從數宴遊
鳥啼花館夕騎轉竹林
幽明月空燕市春星映
蜀樓那知風雪裏坐對
楚江流

酬馬百愚過訪

白首誰知己秋風此對君
年光吾自老世事忍相
聞樹近微留雨簷虛暗
入雲莫辭今共醉應念
昔離羣

秋盡田家

秋盡登成後田家樂事多
臨泉滌酒器向日理漁
簑野澗孤煙起沙長倦
鳥過客來聞犬吠却恐
是催科

簡孫兵憲用之約遊賢隱寺

秋來山寺好霜葉靜高
林水落澄潭色雲垂古
殿陰公庭虛簡牘暇日
且登臨早起瞻旌蓋遙
遙指碧岑

山居禱輿



地僻人煙少山空秋氣寬
簷迴千樹響門對數峰寒
隔竹聞雞犬臨溪采蕙蘭
涼風天際起哀雁出雲端

又

沈沈煙色暮眺望此何時
萬壑翻紅樹叢篁映碧池
路高寒吹急野曠夕陽遲
不作陶翁醉能無宋玉悲

別殷靖江限韻

昔也石川去居然宦思微
獨憐江上縣何異水

邊扉春雨移萱草天風入舞衣
畱連今夕飲愁見月光輝

重過康莊驛

汝上初經月康莊茲再行
孤心天外繫白髮道邊生
雪草交狐跡風沙鬪馬鳴
遙憐清濟色未肯濯塵纓

訪龍洞

野情塵外愜秋思馬前生
去雁迷山色懸藤落澗聲
洞空千樹響雲細一花明
漸覺人踪絕煙

歷代詩選 明正堂之 卷之六

霞近赤城

駕出南郊

御輦層霄下春宮萬戶開天文移漢闕雲氣擁
仙臺騎引麒麟出旂迎翡翠來北辰瞻望地南
斗復蓬萊

天寧寺

招提臨漢迥壯麗入秋明水曲秦淮樹山廻建
業城僧來呼鶴舞客醉數猿聲坐久餘殘照淒
然風露清

別胡茂卿推府往吳興兼呈劉養和太守

吳興非遠別客路亦關情細草迎船發春雲對
浦生西亭饒柳色茗水乍鶯聲謝傳仍為郡登
山擬共行

同崔岱屏衛源上舟夜抵新鄉

風塵移使節燈火共仙舟霧月涵波動秋星拂
樹流暗村喧鼓角深渚靜浮鷗白露蒹葭落思
君難重遊

暮春後園一首

歷代詩選 月正堂之 次集卷一百六 七

暇日西園內問春春欲歸雀驚看果落蝶懶覺
花稀積水斜通徑遊絲暗着衣流光不可轉心
事苦多違

遊山遲唐荆川太史不至

野興朝來劇層陰凍不開煙霞迎使節詞賦憶
仙才豈負青山約何妨細雨來臨溪重回首沙
鳥似深猜

贈蔡給事成之福建僉憲

君行不得送怨恨若爲平塵隔長安樹煙迷上
苑鶯關河萬里道風雨十年情重別心如醉長
歌淨滿纓朝廷虛袞職海內盡戎兵豈是無山
甫誰能惜賈生衣冠輝瑣闥諫疏耀承明卽喜
朝陽翼翻爲瀕海行三山沾惠澤百粵見澄清
遠擬丹心迥時瞻北丰城

贈雲谷翁

白雲滿深谷愛爾結幽居竹影宵穿戶松陰日
覆渠僧歸隣寺寂客至野堂虛過顛時馴鹿臨
溪獨釣魚月侵前墅局花映北窗書誰識王孫

歷代詩選 卷之五 五言古詩 三十一
意頻回俗士車

贈榮上人兼呈顧全州

古有高人興今看靜者流江山成獨往風雨一
孤舟卓錫湘流暮移帆柱水秋朝登覆釜觀遠
望蒼梧丘目極南中勝心非道外求逢君看葉
下謫客共萍浮暫結三生願何孤萬里遊白雲
懷舊國細雨別津樓碧樹諸天迥黃花絕塞愁
行過五馬第持此謝全州

九日登堅山十韻

辭喧來野寺九日復登臨遠戍垂天際孤城帶
水陰風雲盤衆壑鴻雁避危岑騎轉奇葩亂泉
飛雜珮侵穿林饒虎迹俯礪有龍吟作賦慙先
哲遊觀愜素襟帽隨楓葉墮杯映菊花斟何事
牛山淚空懷鷺嶺心泛萸香細細攀桂碧森森
歸卧松房寂猶聞長嘯音

紅德城元夕

清平驛裏過元宵尊酒盤蔬未寂寥燈火忽疑
烽火至春風仍似朔風驕月臨漢節千山靜霜

入胡笳獨戍遙想是大酺通海內邊城歌舞荷
清朝

題張氏忠睦堂

曾說門墻廢蓼莪且看帷幄富干戈朔方孝友
今張仲南國勲名漢伏波綠野堂開春縱酒紫
荆花發夜聞歌不知近日談經處更有何人問
字過

冬日宴鄭汝順別業

鄭生負郭有田廬花榭茅亭背水居日照霜林

松獨耿雪消冰岍柳將舒呼童掃石驚沙鳥對
客開樽取澗魚不到山窗今幾日白雲猶護讀
殘書

送王太常季徵

太常清重異他卿才子風流擅兩京春水揚帆
辭建業東風策馬過彭城一夔自足聲容美三
禮由來職事榮擬濟中興垂令問漢廷休道叔
孫生

奉和白樓太宰齋居

歷代詩選
畫省清齋此日同聞歌白雪在詩筒瑤壇玉殿
虛無裏翠蓋金輿想像中階下莓苔侵暮雨苑
邊楊柳入春風低棲鸛鶴休飛去對爾忘機學
海翁

酬柴光祿春日喜晴見貽

雲遠天空候雁翔林開晴日散羣芳柳條近水
煙逾碧梅蘂無風暖自香江上青山憐歲月鏡
中華髮愧行藏忽傳一曲陽春調睡起高歌引
典長

臘月朔雨有懷邊司徒華泉

白首相知海內稀司徒高韻苦相違寒烏獨樹
雲陰合暝竹空簷雨色微終日簿書知有政十
年朋侶賦無衣北風倘會山陰雪乘興何妨夜
叩扉

朱氏園亭宴集

上國名園笑語同朱簾翠戶曲欄通管絃夜合
蘆洲月花竹煙開水閣風葉撼秋聲翻露下雁
飄寒思入雲中淹留總愛青霄客潦倒真慚白

髮翁

次韻答周刑侍見和桂林之作

除夜俄逢繫綵舟新年重喜接風流
春煙坐對晴江樹霧雨心驚瘴海樓
聊假清尊驅別恨却緣華髮動羈愁
青山二月啼鶯徧水外花邊共爾遊

答顧全州華玉寄書

全州書謂余爲浮湘佳侶至麓口知余舟方過數日追之不及失良晤云余出京景內翰

伯時有湘南逢顧况之句今乃弗果已因憶唐宋之間端州驛題壁作甚類我二人又全州過豫章李獻吉附寄余詩簡慨然咏此以答全州

並向明時作放臣殊方本擬日相親
蘭舟空喜浮湘侶桂嶺悲看對月人
太守書來知駐節峽峒書至益沾巾
湘南顧况今虛語岐路南中事更真

過大梁貽李獻吉

兩年不見空同子楊柳青青汴水濱避世獨留
仄圃在著書吾愛草堂貧門前雪盡添春水江
上梅開傍野人竹逕不曾延俗駕思君何日得
相親

聞雁

早春入夜尙淒風孤月纖纖生遠空萬里獨愁
南望客一聲何似北來鴻往秋共逐嗟行路此
際相逢愧轉蓬多思欲歸絃調裏哀音已過塞
雲中

望太華

十年太華遊山恩五月潼關騎馬來日動松林
仙掌出雲移蓮井玉峰開北涵渭水生秋色西
帶秦京鎖暮哀安得從容應盡興翠微深處訪
雲臺

石溝

鹽井黃沙迷白草石溝殘日下荒山烽燧暫喜
連朝息旌節遙從萬里還秋早兵戈屯塞上風
高鼓角動雲間西陲諸將今非昔胡虜無勞數

歷代詩選

明正堂志

基

扣關

環縣

靈武城高接夏州
逶迤山勢引邊愁
胡來六月常烽火
農起千軍盡戍樓
草樹陰陰刁斗夕
雲沙莽莽玉關秋
比年耆舊多湖海
節制誰能范老儔

襄陵省中池亭甚佳因懷張李二明府

日暮襄陵池上亭
孤吟長坐嘆飄零
荷花無主誰爲色
竹葉憐人獨自青
暝逼高林回倦鳥
風生曲檻度流螢
季鷹元禮俱何在
好對青霄倒玉瓶

道井陘有感

東歸石逕入雲斜
險阻千年事可嗟
松柏森森韓信廟
山河渺渺沛公家
王齊實召遊雲夢
爲漢虛勞問左車
惆悵英雄心事在
烏啼秋樹墮巖花

送邊荆州廷實賦得一柱觀

松滋縣東一柱觀
君達荆州春正深
風落澄湖

歷代詩選

明正堂志

次集卷一百六

基

山

歷代詩選 卷之七
翻夕照雲移別嶂入晴林花間日見江猿過竹
裏時聞湘鳥音千古洞庭存勝槩卽憐詞客更
登臨

過海印寺

傍湖臺殿何年起遶寺煙波望不窮寺裏逶迤
銀漢接宮前宛轉玉河通長橋晚落千尋影高
閣晴含萬里風滄海漫求人世外蓬萊今在
帝城中

春雁

卽憐鴻雁不相違每到青春見爾歸獨夜高鳴
乘吹遠九霄聯影入雲微上林羽獵終多事北
海風煙自可依矧繳虞羅滿天下此身那得共
翻飛

千佛山

白日蕭蕭秋樹斜碧雲渺渺入僧家隔年松塢
疑鄉寺一月風塵見野花鐘鼓催寒生晚暮翠
微含月益光華開尊不盡川原色發興還如江
漢涯

歷代詩選 卷之五

興隆寺齋居

齋日齋居僧舍深
畫簾花竹細陰陰
諸天樹色浮佳氣
下界鶯啼入梵音
京國風煙虛在眼
邊城戎馬寔驚心
他鄉自喜逢春色
不道愁多更苦吟

冬至述懷

冬至陽春節氣新
孤舟萬里淚盈巾
千官鳴佩嵩呼日
九殿垂紳近侍臣
嶺外聞猿爲逐客
山中驅馬避徭人
海天徒抱區區在
稽首焚香望

北辰

臘日

北風歲暮急孤城
臘日炎方見雪清
獨秀峰高萬里思
枕椰樹近一禽鳴
桂林遠客違金闕
椒酒親臣賜玉罌
寂莫學宮終日閉
倚樓吟望倍愁生

答顧全州華玉見貽

隱几高齋冬日深
叩門何處素書臨
美人近隔清湘水
使者空傳白雪吟
邊嶠梅花愁聽角
郡

歷代詩選

月益隆之

次集卷一百六

七

庭榕葉憶鳴琴春風好慰同遊興夜月應憐異
地心

寄周克之侍御謫居南海

君從嶺海駕輕舟余亦瀟湘遡碧流
悵望雲天俱墮淚相思月夜一登樓
魚龍巨浪春應適瘴癘深山雨更愁
飽食殊方各努力南中佳麗足遨遊

清明

千花萬柳照清明鳩語鶯啼滿郡城
晝卧不妨

深院靜春遊應喜四郊晴殊方車馬誰同侶故
國風煙空遠情獨愛隔簾芳草色孤吟日暮繞
階行

答高大和侍御寄書

舟過衡陽雁已疎經年那得故人書一封忽漫
來何處千里殷勤問謫居海上青驄遙羨汝湘
南芳草正愁予清秋直北朝星斗回首雲山萬
疊餘

中元

南方極尚中元節走祀居嘗五日前故國光陰
同歲序天涯涕淚各雲煙山深絕少秋來雁地
僻偏多雨後蟬隣里兒童交贈送盤飧壺飲白
堪憐

九日遊風洞山

九日獨登風洞閣萬峰疊擁靖江城煙中臺殿
浮秋色天畔松杉落雨聲黃菊野開孤客淚蒼
梧水遶二妃情心懷往歲承恩宴腸斷斜陽望
帝京

遊湘山寺

雲裏孤亭落翠微林間寶刹隱光輝寒鐘寂寂
秋花細碧殿陰陰古木稀望極煙霞流遠壑行
深薜荔引重扉却悲塵跡同流水聊復高吟傷
落暉

南可堂

堂成南郭倚脩林簾捲高窗見遠岑掃石秋籬
看菊徧杖藜春逕入花深人晴猿鹿山中下日
落漁樵江上吟野興百年無不可桃源路杳莫

相尋

夜集劉子緯郎中

門對西城霜月臨
雪留風苑北堂陰
愁看碧草生春色
徒傷寒梅損客心
擊筑未忘燕市酒
屬歌猶接郢人吟
非貪深坐催雞報
苦憶相思候雁音

九日期登高不果遂集王郎中欽佩青谿

上限韻

王子幽居水竹東
故人佳節對清風
愁看叢菊

蕭條甚興引高臺
悵望中日靜鍾山流
遠碧天寒楓樹落
殷紅共嗟物色驚人
眼縱飲何辭百盞空

仙真觀

村虛斜日映霏微
蓬苑丹霞閃洞扉
竹霧乍沾車馬色
爐煙常駐薜蘿衣
崑垂石髓逢人少
路塞桃花過客稀
白鶴歸來莫相訝
幽房玄侶亦忘機

吳松江蕭威道此對酒次韻

萍聚京華四海心蓬飛歲月故駸駸蠻荒獨憶
西臺迥郡國同瞻北闕深病骨逢君慙驥櫪春
山對酒見鶯林少陵不作當時體千載重聆大
雅音

正月三日喜晴

東風宛轉入新年林色熹微開曙煙梅柳隔簾
春欲動樓臺滿眼雪猶懸羣飛鸛鶴翻高樹並
泛鳧鷖下碧川對此不堪多病在令人却憶五
湖船

贈魯振之祭酒園居

魯連不受平原贈長揖歸來住海濱寧獨彩毫
干日月時看玉劍動星辰窗含花竹雲爭入江
引鳧鷖日自親天下蒼生望安石憑君莫作武
陵人

出郊

昨日歸來雪滿城暖風三月始郊行平蕪渺渺
春嘶馬斜谷陰陰午聽鶯茅屋短桃流水近石
橋低柳細煙輕十年塵土知何事今日鄉園且

有情

殤子八十生日至瘞所

吾兒死別經春久生日今來哭汝墳秀骨清眉
泉路隔嬌啼澀語夢時聞煙林葉暗鶯初噤草
逕花稀蝶自羣魂氣可能遊我側須驚愁髮雪
紛紛

贈別張汝禎兵憲兼致留意

冠蓋傾城擁使車柳深花暗重躊躇旌搖日月
明淮水帳卷風雲接楚墟春饌正宜供竹笋秋
羹何用嘆鱸魚樂羊不廢中山績漫有文侯滿
篋書

次韻馬侍御山居

疊嶂叢林卜築新柴門草逕絕比隣琴尊有意
從知己衣帽無心懶見人流壑野雲何所繫浴
澗沙鷺本來真百年幽境容吾老四海蒼生望
爾頻

飲崔都尉府

主家仙館接雲城碧樹瑤池暑簟清近苑花風

歷代詩選 卷之二十三
牽霧轉隔簾荷雨入秋鳴登龍自幸開塵榻引
鳳真如聽玉笙李白文章驚海內由來詩句下
崔生

寄王欽佩提學

雨花臺畔昔年遊長憶金陵萬里秋春色乍驚
河上節月華空望汝南樓檐帷踏出花相映絳
帳庭開草並幽七郡衣冠瞻北斗光風何日被
林丘

雨花臺

初夏登臨花未稀一春多恨賞心違羣峰細雨
江流轉萬戶垂楊燕子歸謝傳風流今不黍秣
陵雲物舊全非空臺草長談經處風起遊絲罥
客衣

有悼一首爲華泉大司徒作

早脩容服侍明公琴匣書籤坐卧同春色故隨
流水去雨聲猶向落花中月明東閣凭欄歇塵
暗西窗倚鏡空十二峰頭雲不盡夜深還到楚

王宮

歷代詩選 明正堂之
寺中對雨

古寺天寒樂事稀
千山風雨賞心違
松懸瀑布當簷落
竹引浮雲遶棟飛
窈窕煙籐垂虎穴
淒涼水鳥坐漁磯
宵來撥悶須酩酊
明發衝泥轉翠微

白菊

兩兩瓊霜下
盈盈瑤水涯
縱然同晚節
猶自異黃花

王子衡過飲分體得一首

虛籬過微月
小閣生餘寒
留連異鄉飲
消此長

夜闌

咸陽覽古

長安西出咸陽道
行盡平沙渭水澄
便欲題詩懷往事
傷心恐見漢諸陵

梁山懷古

秦皇遊幸出梁山
翠閣朱樓起萬間
千載春風歌舞地
牛羊斜日牧兒還

塞上行

歷代詩選

明正堂之

次集卷二百六

廿七

歷代詩選
白草愁連紫塞長
行雲落日共蒼茫
驅車竟日無村落
到處逢人指戰場

楊花

幾日春光春又歸
楊花落盡淚沾衣
君王未見相如賦
莫向長門宮裏飛

回雁峰

回雁峰高起夕嵐
孤舟落日繫江潭
雁知瘴癘愁難度
遷客明朝路更南

憶花

庭下花枝紅白開
看花把酒日徘徊
臨別低垂解愁思
露珠如淚滴蒼苔

江雨

樹色陰森江驛前
漁翁蓑笠隔朝煙
雨中薜荔深藏寺
霧裏鳧鷖不避船

問愚溪

零陵南上湘流西
竹樹參差百鳥啼
秀壁清泉行滿目
不知何處是愚溪

奉和楊邃菴閣老塞上曲二首

太平天子未忘危
戰將謀臣厭出師
不有匈奴頻犯塞
廉頗那起漢文思
飛芻走粟徧秦川
鐵騎駢弓遠戍邊
夜聞間諜來傳語
漢壘如今不似前

湘簟贈張子言

剪斷瀟湘半畝雲
佳人織手製冰紋
含風卧榻吹寒玉
映月歌筵疊翠裊

寄題林以吉讀書臺

陰陰石閣傍雲松
嫋嫋藤窗花露濃
獨立青宵

何處笛月明遙映九華峰

中秋宴城西樓別張子言

八月天高河漢流
丹峰翠壑迥西樓
不堪鴻雁長爲別
風樹蕭蕭萬杵秋

石倉十二代詩選


明次集卷一百六

終



歷代詩選

卷一百七



其氣微風樹蕭蕭
八月天高所氣
中外寂然西
師武節良即鼓

石倉十二代詩選

明次集卷一百七

浚川集

大明

祥符王廷相著
後學曹學佺閱

折楊柳

隴頭二三月楊柳黃綠絲
郎行楊樹下驄馬金絡羈
馬瘦不忍鞭柳弱不堪折
出谷復入谷落日獨行客
水流隴山下郎行隴山上
隴水東南流與郎常相向
擒得南單于能解單于歌
馬鳴邊地黑同行皆念家
軍書十二勛金貂紫袴衣

歷代詩選

卷一百七

一

士

郎從左邊過不知是阿誰

獨不見

君王愛小腰錦帶自結束二八入漢宮羅薦生
香玉玉香自不滅寵盼每難終昔爲菖蒲花今
爲孤根蓬蓬飛遶天去妾意何終極前時昭陽
院雙燕棲羅幕燕燕上林飛春歸長信道雕輿
竟不來空長如茵草秋草有衰質明月常素心
班姬新乞掃試鼓長信琴玉琴懸五絲一絲一
腸斷空作白頭吟曲終獨不見

同聲歌

花艷芳春林淑氣流中堂翩翩引上賓蘭芷獻
椒漿趙女揮五絃託意陌上桑非君一回首誰
識慢聲長

妾薄命

孔雀日邊飛毛羽殊可憐傾城不得意春風空
自嬌當歌掩團扇暗地下金錢獨夜難成寐明
月爲誰圓

二

苑遊轟玉輦風動聞鳴珂長門只尺地春盡不
曾過宛轉腸九迴想像顰雙蛾誰言織女巧夜
夜隔銀河

雜懷

淒淒秋已厲蟋蟀悲鳴吟君子在天末相思日
以深所懷不易達願欲託遺音百勞飛不極彼
哉諒難任仙人王子喬勤勤憐我心招手遊天
闕飛步凌遙岑天上何所覩織女思同余漸臺
難獨居河漢浩淋淫空言良會燕北斗安能斟

又

臨秋河漢仄三五明月光獨坐念婉孌佳人杳
難忘綺閣翠羽闥玉井黃金牀憶昔奉君歡徘
徊令心傷鴻鳥飛南征浮雲隨風翔豈無尺書
札天遠不得將登高散鬱抑曠野何茫茫賴有
遊夢魂聊以慰中腸

又

暘暉入綺樹和氣襲高堂嘉賓四面來綺縞夾
車廂鹿鳴奏雅曲鐘鼓何嗶嗶麗鳥盼庭柯綴

歷代詩選 明正子衡 三
儻紛縱橫三星在東戶起視夜未央樂者情以
適愁者情以傷我有所懷念邈在天一方獨有
黃鵠飛可以解我腸

別後再贈德涵

浮嵐曷晴巘驚風振華林在節迴峻坂高輿出
遙岑層丘旣窈窕鬱木亦蕭森君子薦芳酌晤
言開素襟憂時富危論探道生遐心悲帝蒼梧
遙弔屈湘水深嗟余秉幽尚及茲成滯淫徒擬
孫公孺猶帶鍾生音事變靡常塗達機古所欽

陶令耻折腰三嘆歸來吟栖栖茲倦遊邈矣行

抽簪

孟望之入試院奉懷一首

皎皎入闈月噤噤度雲雁感物念同旅悽矣起
長嘆圖史在東序朋宴喧華堂三星如連珠調
琴夜未央昔者與子別悵悵天一隅今來不盡
歡枉作同城居榻管隔文圍浹旬興頗孤泛舸
酌霞釀遲爾鵲山湖

雜興

歷代詩選 明王守仁
寒城迷夕眺奔雲帶梁越昔人湖海蹤已隨年
代沒萋萋涇渭春王孫草仍發

登石頭城懷古

晨升石城巒南臨舊京甸流雲切高甍清江展
朋宴佳麗一以眺應接殊未倦鳴絲幽鳳吟勸
爵流鶯轉陶仙耽隱逸謝公樂遊燕賢謨動朝
省雅量鎮時難遺業存故壤形神已飈散倘無
垂代辭漫滅孰與辯虛名詎足驚短世難把玩
今昔理一軌何用淚如綫

送王錦夫方伯

出雲復歸山茲懷諒靡執守道耻諸俗嗟子久
獨立方仰澄清勲遽返滄浪楫玄運無定塗一
雨夏寒及彼哉豈予構順受茲賢習颺颺北去
帆咫尺渺莫卽屢承沙鴻音空憶雲鸞集且作
鹿門耕仍甘玉芝食龍德貴存身淵潛慎出入

秋日寧國言懷

今適非我期幽觀亦云麗長巒亘邑曲青畝循
溪洎英英巖桂秀翾翾雲禽逝覽物有餘賞攸

止每留繫臨官敦素履頗亦志弘濟崇卑詎足
較賢者安所際揆道良已暢提挈視終惠拯物
方在茲誰果乃遺世

又

秋駟逝安託乃在海中沚薄遊得所遣豈必青
雲士直道難爲容誰哉誓終始志士賤怵迫曠
然凌萬祀狂言戲萬乘邪途豈貞軌渭川獵非
熊白首安可俟虎變大賢造鳳衰君子耻守道
安處末干祿爾非鄙

又

玉蟾光九土時復有缺蝕君看行天龍亦作寒
湫螿一屈復一伸達人具天德鳳食乃琅玕豈
受鴟鳶嚇驪額明珠光相將慎出入執戟二十
載豈求他人識我道在寥廓好之恐不力贈君
杜蘅草庶見君子色

蜀中寄李宗易宮諭

驅車西川道幽勝一何偏江源下喬徼峽勢蹙
高天我遊形神適宛宛飛雲仙鳴琴答山水志

興良可宣歲晏思故交道拙懷高賢君從九霄
居阿閣華景懸養素迴沕穆陳力扶危顛十載
隔山海宿心念鷓鴣詎惜魚錦字慰此蹉跎年

山中秋宿

山行日易黑况復連陰霏徒役困泥坂夜火亦
已微旅亭何蕭索供張以夙戒入門木葉下秋
虫響庭外偃息甯分中霜露欺枕席何異彼兕
虎草曠率爾集鄉夢長夜劇悠悠渡江海故山
千萬重忽復迷所在夢迷不自知相思無已時
衡陽雁過久不見玉書迴

石猿山

綺皓卧商嶺謝公遊石門雲霞如在日千古清
心魂我行巴東山美勝難具論峭崿鳳飛翥疊
巘波崩奔茲山旣突兀二峰復攢屹云昔赤猿
翁神力邁中原飛步凌迥絕青天欲雙捫力竭
化爲石蒼蒼今尚存翠高湧鯨魚傳說爲星辰
茫昧不足道徒然欺蒙昏瑤華寒碧滋丹砂結
靈根聊爾供遊賞因之窮仙源

木洞驛

蹙浪噴江門幽洞昇瓊樹寒林碧參差秋嶂莽
迴互白龍不定眠中江起煙霧素舫歷長波凌
兢戒前路客行不能留已過青莎渡所期心遙
遙離居歲云暮帝子隔沅湘浮雲落何處攬古
心飛揚寒空屢延顧

明月沱

客行無次序向夕舟復維豈不厭水宿搖喬渺
前期沱明星月上江冷蛟龍移野鼓何填填宵
火亦離離牛渚慕袁吟湘潭傷楚辭我行方浩
然我懷亦遠而流浪自古昔慨嘆及今茲驚鵲
靡定所荒雞詎知時行藏隨去住明發良不遲

寄庸之

獨遊向天際夢寐軫良朋落木變霜霰感茲歲
華征一蹶辭金門十載嗟流萍白髮不相貸素
志慚同盟憶昔共筆硯豈彼憐肥輕清世有餘
懷慕古垂英名禮樂企聖塗鐘鼎安足榮仲尼
沒已邈斯道誰予徵君也東觀豪適會况休明

歷代詩選 明王守仁
何當揮朱絃因之聞希聲

靖遠樓公宴

談笑偶賓屬矯矯懷庾公南樓一吹笛千載流
英風我來就諸賢攀眺臨高薨開筵接翠微度
曲散空蒙澠酒未傾倒夕陽下高春燈火亂星
宿鼓吹驚魚龍酒酣擊劔歌逸氣凌煙虹慷慨
有遺響何慚代裏雄葛亮撫南蠻夷吾靖山戎
古來幾豪英平世留深功矜名智所淺伐善道
乃矇萬事等浮雲我欲遊無窮

泊大洲

寒瀨石嶼出暮舸不敢上且泊大洲浦弭楫臨
莽蒼鼓從露野沈柝應空江響林虛猿狖靜波
澄星月朗長歌耿不寐泠然發深想芳杜幾相
思青山滯獨往世路何盡期遊人自鞅掌旭光
發陽厓前洲聞撥槳

寄趙爾錫祭酒

載筆東觀史談經國子師大道迴淳風華要躋
良時疇昔同館署今來隔山陂清絃抒情素幽

夢攀光儀不惜形迹遙但苦年運移日飛逆旅
蓬彌感遊子騅回首盼京闕浮雲鬱崔嵬渺渺
胡天雁菲菲滄江蘼悵然維遠心因之寄相思
舟泊大伊遂登嶺眺望二首

遄征徒已疲安邁舟始忻客程急日夜驚瀾駭
崩奔蓬心悅留止升巒瞰高旻海岱指間得揚
楚望中分洪河吞淮沚峴口拱齊門古石墮危
壁新沙亘高垠山川日已改人代焉足云丘墳
但宿莽碑版空殘文傷心古往迹感慨鬱難陳
於焉任化軌庶以豁憂殷

周雅述淮夷漢服分楚甸長江帶南紀王圖此
雄冠職事有行役超曠任眺翫覽古情詎釋望
闕淚已泫緬哉天路長倏爾歲華晏側身蹈窮
海縻廩依下縣積愠將奚尤素履竟誰辯雖協
康樂情終切子牟戀效志諒有激陳辭忽纂纂
卽非周南史畱滯有餘歎

趨役淮上途中述感

弭楫倚夕渚躡步登陽陂隱隱隔河壩藹藹見
州埤序暮變林色曦寒生水霏穉葉日自零集
禽時相依睽携悵流景登頓念息栖跡繫情靡
超人遠路恒迷豈伊苦旅嘆嗟哉丹靈移查浮
犯雲漢鶴馭凌瑤池爽然與世絕天遊良在茲

黃州演武廳宴集贈石帥

屏氛出江郊撰幽憩武館秋容已澹沲雲物亦
迴緬江山佳入牖聊爾恣一覽道悟見乃超志
愜興不淺招邀子所敦襟期我當款雖值旅務

迫不廢賓筵展會屢詎流連談劇非縱誕窈窕
漢上曲清切江南管投壺按魯鼓揮琴述中散
居易命可俟撫化慮始遣江崩赤渙磯岍坼黃
泥坂蘇公豪遊迹只尺竟莫辯賞心卽命觴庶
達養生纂

舟及團峰以事復回黃州

遄發齊安城野憩團峰坂簡書申巽命造次促
權返中夜凌迥江侵晨見南嶽推蓬納升旭覽
勝紛可辯崑桂霞影蕩江離露珠泫時物豈不

麗滯旅興莫展鹿門逐耕稼太史樂遊衍高賢
雖自許干祿竟澳恣重來日云積歸計路應緬
長嘯任曠達偃卧戒憤懣勞謙業以廣止坎道
乃善世氛與日構持此庶可遣

登陸趨陽邏

颼颼風已勁湧湧江逾激輟棹發廣陸苦逸迥
爾隔旌旆避黃潦僕馬駭危石維時卉木零秋
氣方厲急感物切嘒嘆况乃撫形後微尚敦先
民浮名誤夙畫谷口慕鄭引三徑羨陶適終爾

黃鵠心逝矣矯高翮

九日安陵同蔡成之發舟

亢帆安陵浦泛舸清川潯渚在倦迴沿厓傾詫
崎嶇寒原變淒候浮靄散層陰落日隱叢薄孤
霞曷平林雖同佳人娛屢興遊子吟登高誰爲
情在茲歲物侵曠達獲自古維繫慚在今緬懷
籬下菊結念丘中琴川塗渺無緒風波浩難任
行因逐物役杳然返素心

登迎暉樓有作

按圖欣名勝宿心慕蜀甸今茲遂遊旅偶得契
貞觀危岬凌山椒層樓接天漢陽律噓生遂春
令行雷電原隰芬草樹巘岬各葱蒨幽人時往
來丹鶴亦迴緬華陽帶錦水佳麗足三歎幽賞
紛林花離棕劇江燕雖乏長卿才頗協康樂翫
嗟爾見羈束鄙哉任情戀瑤草竟何掇緇髮日
云變嗜物天機伐矜智聖靈散愧彼丘園徒揮
手謝簪弁

千萬里橋有作

牽組次炎方采蘅歷錦澤迢迢萬里橋悠悠三
河客雪嶺下春湍月峽憶歸席悵此孤根蓬安
得雙飛翼洲融鳥含景露蕤木弄色羣動與時
遂吾生坐拘迫張掾感蓐味陶令悲形役豈不
景先達情戀昧多益吹萬天運塗得一聖靈宅
亶亶道有會灑灑性自適綺季滅塵響於焉南
山側

懷王庸之

垂楊綠堪染黃鳥鳴不歇春來念朋舊游衍興

歷代詩選 明王守衡 十一
超忽臘時酒已清河渚茵初發欣來卽命籌樂
至豈待節張筵金沙堰鳴葭朱林樾攀花贈長
謠臨觴促餘闕離羣感不淺感物衷屢結勞生
銷華簪狗祿涉窮髮自乖沈冥理已繫濁水轍
舊書恒自簡遠夢竟難達灑淚夷梁道浮雲望
中沒

天門山

天門峭雙闕崒崒迥相對洞劈華陽口石裂方
壺背寒雲莽空濶秋潮浩奔逝我行屬風波狂
起飛龍瀨三山渺何許孤舟日搖喬空懷招隱
篇不逢采真會傲吏恒乖俗逸韻故輕勢鬱鬱
佳山水平生有深契騎箕列星遙從龍帝閭翳
方將擬抱關何由期歸棹

發泗安暮泊湖州

山行苦登陟水涉意自洽南巒一雨瀉北湖千
漲納岑岑帆初揚瀏瀏風愈颯蓮歌夾浦聞漁
唱隔煙答搖喬順流潮隱見依城閣雲霞暮生
變鳧鶩晚成匝蘊靈茲土勝探幽予心合延佇

湖上瀨杳然憶若雲

過睢州

古城臨平洲落日清江轉夏木已陰森遙巒日
蕊情引領千仞岡羣秀紛可辯迴薄萬古心超
曠九州覽節候變歆鬱途次彌偃蹇梁野行遽
及秦關望猶緬靈源一流眺旅思忽以展却憶
玉臺遊擬弄緱山管

泊青城

繫舟青城浦川坻隱曛夕逸思浩連蜷迥野漫
登歷飈清樹交爽煙晚山逾碧乘月蕩孤棹秋
氣突凌逼

二

莽陂秀紅蓼中野水雲多爽綠散筠篠幽芳聞
芰荷塵鞅日劬悴時物紛凌摩心閒結遙夢遊
仙送清歌

梁苑歌

君不見梁王已破六國壘苑中便起文園臺黃
金白玉架樓閣綺榻延賓四向開清泠池上三

歷代詩選 卷之三十一
尺雪相如新賦傾鄒枚臨邛美人鬪花朵挑以
琴心禮豈那漢庭賣賦得千金白首遊梁計亦
左今人空作古人風抱策爲儒嘆不逢嗚呼古
來文士不簡豈足病且覽詞彩如長虹

又

黃河東來沙填海陳留十山幾山在梁王古苑
九地深歲歲龍蛇窟穴改我田在苑苑在東灌
園鑿井當其中應門兩黃鶴抱琴雙玉童行歌
曳杖如游龍前身恐是河上公君不見七十二
帝如旋蓬惟有堯舜流高風人生百年電閃閃
何必希時釣譽攀援日月獨爲功子雲草玄恒
不調虞卿著書仍固窮我懷欲附沙洲鴻

鑿井歌

素業大梁郊開門卽廣野簸弄無滄流安得清
泉瀉鑿井汲澄深學作灌園者畦蔬雜花卉猶
堪樹枌欂井上瓊枝秀孌娜十年相見碧崖峩
玉山鸞鳳幾時至乞與高梧長作巢

終南吟贈王堯卿

太乙巉巉太白東中有佳士才且雄西京之俠
贈龍劔凌轢不數涓上翁被褐忽來謁 天子
手接雙霓弄海水蛟螭嚇人磨齒牙拂衣還入
雲厓裏雲厓千萬丈莽蒼臨平野白日歷高標
飛流絕奔馬龍蛇蕭蕭謝傅心溪谷盤盤遠公
社冷泉終日快聞韶古木千章不知夏桐花乳
燕午風輕茅屋荒池夜雨晴幽人開尊石壇下
客來相對稱達生春陽遲遲鳥鳴磻美稼離離
人上坪藍田輞川在何處圖史常垂諫議名中
原猶格鬪豺虎日侵尋七澤波寒洞庭遠九疑
雲盡蒼梧深百年悽惻終南心爲君寫作終南
吟斲茅卜居夾深泝白髮相將彈舜琴彼美人
兮望不來朱絃瑤軫漫相開野人醉倒嘯歌起
萬壑秋生明月臺

溪陂子還山歌

少微宮中星彩蝕先生歸來盤白石終南山前
玉光發先生采苓歌明月明月徒照青林人開
花落花空惱春春風入門兩佳客委墜枯槁羞

常倫飄翮鸞鶴本難正
出沒蛟龍自有神
君不見風雲不發李飛將
奴史封侯取卿相
敬通文章絕世奇
垂老蓬蒿苦相向
古來萬事安足辯
誰向蓬萊問清淺
池魚城火今何辭
白壁蒼蠅詎能染
太乙山溪陂水搖蕩晴
春幾千里長日獨彈琴
青天時隱几不爲枯查
悲逝波且倚幽蘭賞
佳士佳士棲碧山
浮雲任往還著書彌歲
月消息滿人間
人間五嶽慶雲開
天上六龍白日迴
東山終爲蒼生出
綺皓還因嗣帝來
嗟予留滯秦城東
鄠杜風流在眼中
梅花雪落空惆悵
明日關門自轉蓬

揚州與鹿門子飲酒歌

鹿門子襄陽鄭伯興也

前年敕放東海濱
乘閒日弄滄波春
有時回首玉闕下
浮雲萬里生
氛氳剖心未酬
明主顧一劍長留國
士身蒼蠅貝錦意
不足何日金鷄赦
逐臣翠華雲影飛
僊路吾道窮
途安足數鳳鸞
鍛羽投長沙
鸚鵡詞高恐羈旅
襄陽夫子豪俊才
古情道氣空九垓
念我飄零日月長
悲歌

歷代詩選 卷之三十一
激烈形神開神開歌促勸我酒酒中盼劍心相
厚公館春花笑向人顧我窮愁復何有昔年髡
髡見天子祇今索莫風塵裏白日沈銷五嶽光
九地龍虵飛不起許由被堯讓巢父聞之耻逃
此箕山陽臨溪還洗耳鹿門亦有龐德公獨携
妻孥遠城市鳴夷之舟已電滅至今五湖水清
泚原生環堵長蓬蒿孔聖曲肱亦飲水丈夫不
逢同所歸古人高節眼中稀青春好着東山屐
莫遣風霜慘客衣

亳都行

桐宮桑林古帝國千年迹滅名空在龍山連陵
如朶雲無窮渦水東流海明王朝元殿魏武省
稼臺蟠螭剝白石古棘崩蒼崖雄豪已逐暮雲
散精靈時向空林哀燦燦瑤華苑紺殿伯陽宮
古木蔽日月萬瓦摧魚龍黃鶴秋飄翻丹井冰
崢嶸猶龍恍惚度沙海惟有藥草年年生城中
連延三萬戶中有豪家多官府賓客懶作游冶
盤翠幙層樓對花樹桃花飛入窺洞房洞房七

歷代詩選 明王守仁
十紫鴛鴦花裏仙人散風雨迴笙合瑟春迷茫
簾底芙蓉元不知上客尊臨池織手雪藕絲金
盤相勸故意勤滴露金叵羅停雲玉樹歌楊花
飛蕩煙相和黃鸝紫燕春心多玄晏先生鶴氅
衣閉門三月學著龜有書不敢犯 天子擊劔
徒爾心神飛帝德雄圖流水去五嶽勛名在何
處若使豪華鎮相守季倫不滅平原壽悵望青
牛紫氣紛河上公今同出秦遨遊玄圃三千闕
藉手雲霞謝世人

金內翰五泉歌

海客凌扶桑簸弄紅錦湍蓬萊坐見水清淺迴
波不盡流人間左綿山高天闕峙中有飛泉噴
清泚煙霧春霏滄海瀾珠璣夜濺星河水灑空
玉瀟 萃微連瑞靄靈氛散遠天鸞儀倒映三珠
樹花氣遙通五色泉泉裏仙人蘭臺客愛挹清
泠坐朝夕濯髮行修鴻寶篇洗心時沃丹砂液
君曾獻賦承明殿文彩聲名滿霄漢山中注書
今幾時彤閣嘉祥待述撰謝傳東山各一時蒼

生懸戀未云遲
脩然遠與世塵隔
泉壑風流且自奇
春來泉壑起鳴雷
天上風雲百道開
請看白日煙嵐窟
時有遊龍行雨迴

沅湖篇

漢江秋瀉天河水
滙作平湖二千里
郢東之山海上峰
山人飄飄羨門子
我乘素舫一帆懸
鵬舉風飛欲上天
棹歌不盡江南調
落日滄流生紫煙

贈別王司馬先生

海山先生達者流
謝却尚書百不憂
都人爭惜大司馬
先生喜得逍遙遊
君不見漢家貴盛稱
楊氏四業五公照
青史未央出入劔履尊
一語回天山可徙
當時氣焰何矯矯
如今寂莫安足道
華陰山下司徒墳
石馬荒涼滿秋草
海翁海翁從古然
四時之序恒推遷
未老身閒此真樂
急流勇退稱高賢
窮亦不足悲
達亦不足喜
白日入地還上天
蛟龍能潛復能起
揮手浮雲且歸去
莫向人間問前路
屐齒高躋岱嶽峰
釣竿

閒挂扶桑樹扶桑海岬是君家仙人常駐五雲
車爲予寄訊洪厓子早晚相期凌紫霞

九日遊觀音巖歌簡同遊諸君子

南都諸曹官事簡南都大夫樂遊衍我來半載
值多務九日登高不嫌晚太平門開山簇簇錦
石靈泉間珍木野人已慰滄洲心諸賢真享煙
霞福觀音閣下秋江橫燕子磯頭瑤草青雖無
仙菊十丈把頗有名酒千杯傾金陵佳麗區萬
古來賢豪靈運詩篇懸白日安石棋墅生蓬蒿

我生何啻鴻一毛浩歌不謝青天高東吳山水
興方劇北極星辰夢已遙回瞻勾曲峰上接牛
女磯華陽七十洞洞洞生陰暉矯首招鴻蒙把
臂談希夷玉仙之居天地樞堯水不沒秦兵迷
赤龍白鶴日飛走瓊戶金壇紫雲阜塵中懊惱
傷素懷欲向茅君結賓友

張中丞操江行

江上水軍齊靄靄跨櫓懸旂已夙待陣分天地
九圍花氣變風雲萬條彩中流伐鼓揚羽旗中

歷不言邊
明三
丞親督操江師衝前突後奔潮湧千艘萬艦轟
雷飛江中駭浪滾滾生甲光閃爍流日星馮夷
魄奪海若走六鼇股栗三山傾白戰無休鼓聲
怒縱爾真敵亦狼顧恍疑風雨挾鬼神頗似蛟
龍盪煙霧須臾江淨霞幟飄不聞人語聞鳴撓
龍蟻振旅收吳會伏波樓船清海妖公昔開府
當銀夏五萬貔貅不嫌寡賀蘭山下春草青何
物胡人敢馳馬中丞中丞有深慮居重圖輕貴
形勢承平日久諱言兵笑殺迂儒抱經濟

孔雀圖歌

九真之域連南溟二儀運化山水清砂乳遙分
南斗氣孔雀偏含赤帝精羽毛皎皎傾九都紫
茸花點金明珠光儀色相遙憐爾曳電飄霞宛
相似春晴矯入蒼梧天月冷翻迴洞庭水洞庭
蒼梧滿光采閬岑玄圃空相待清夢偏宜瓊玉
田閒心最惜溫涼海紅鸞舞月共佳期白鶴冲
雲更不疑長隨玉女朝丸藥每看仙人晝賭棋
仙人玉女紫雲隈翠作鑾車金作臺靈椿白榆

對結子八千餘歲仍歸來温伯雪子錦城仙文
藻風流世所賢堂上春暉煌霧散圖中珍翼鬼
神傳秋風明日歎離居巫峽吳江萬里餘願借
交南雙錦翼爲傳天上玉宸書

青城山歌送郭魯瞻赴闕

巫峽之西金天開青城翠闕分蓬萊白帝吹成
五雲氣素女削出蓮花臺蓮花臺閣中天起五
岳三山宛相似絕巘翻迴日月車飛湍上接星
河水飛湍絕巘相洄沿岷江直與東瀛連側峰

倒映蛾眉雪浮雲下入蒼梧煌我臨出日望滄
海紫氣猶疑仙人在三十碧峰蓮花開飛翠層
嵐蕩靈彩金莖著花幾迴拂玉簡遺章不能讀
游龍矯後玉潭空歸鶴重來海桑綠我客青城
改歲華君遊丹闕早迴車東高峰頂春閒處共
揖丹丘弄彩霞

南昌行

豫章妖星蝕太白飛入鈎陳關光赤欽天博士
不敢奏遠臣見之空嘖嘖周公卜鼎八百春漢

代規摹遠過秦山東諸侯自破滅淮王雞犬安
能神白洲老子中臺長何用文章設新莽慶陽
鄙夫稱雄特學得兵書翻助賊南風不競北人
力東門黃犬嗟何及君不見河南許汝登皎皎
真丈夫口中舌可斷萬歲不肯呼匣裏寶刀光
電電悔不先發梟賊顛報國心丹不言苦其死
寧能效囚虜已拚魂作太湖雲何辭血染洪州
土黃霾塞天白日昏長風翻江帝心怒鄱陽未
接勤王師坐令狂奴氣先阻汝登汝登振古

五聲苟免蟬螭曹

西京篇

西風潑潑咸陽道渭滿千霜白秋草秋草秋風
暗古城行人猶說西京好西京宮闕鬱崔嵬紫
閣終南相向開建章長信飛塵香千門萬戶華
陽迴地底靈符生寶玉天中王氣夾風雷翠華
鑾輅乘春令皓齒青娥艷落梅青娥如花復如
雪含情含態可憐絕鴛鴦比翼蘭塘水鳳凰雙
栖上陽闕君王自愛長生樂粉面鉛姿却情薄

歷代詩選 卷三十一 雜詩
已聞入海訪神山更道分官祀靈嶽靈嶽神山
在何處太乙無靈歲華暮壇上煙霏百和香青
鳥飛來忽飛去瑤池王母碧霞盤桃賜人間已
三度少翁擊鐸復吹籥雲旂風馬宙紛錯宮娥
隔屏不敢近神人恍惚但虛幕衛家霍家大將
軍提師十萬淨邊塵出塞陰山繫驕子歸朝原
廟薦高勛勛業已成分戚里女作貴人男尚主
甲第層薨照九城珂馬飛軒滿三市一言得意
卽回天卧内收符奪晉鄙金張驕侈不足云竇
灌豪華詎相似貂冠齊入分椒舍朱門盡是鳴
環者鬪鷄小兒紫袴褶臂鷹奴子大宛馬美人
妖女傾名都碧玉珊瑚鬪天下富貴繁華驚轉
蓬王侯鐘鼎一朝空羨門子晉終不至蓬壺方
丈難相通前日豐碑辭纂纂平津已作汾陽誤
野火燒殘金明閣秋水崩沈射熊館春花秋月
劇無情海水桑田漫莫憑玉椀早出秦帝苑石
麟悽斷漢家陵漢家陵樹滿氤氳千秋萬歲灞
陵存若看橋下春楊柳落日飛花愁殺人

明月篇

明月漾金波盈盈隔絳河
桂殿飄香迥兔宮丸
藥多七襄機冷停織女
九重簾捲顰嫦娥
織女同時伴天上
人間願相見團團流影銅龍
樓嫋嫋含輝紫宸殿
滄溟躍出水晶盤
萬戶千門作意看
石鯨秋動昆明沼
玉虎宵吟金井欄
漢帝金莖瑤液凍
竇家雲閣紫簫寒
君不見三千宮闕光窈窕
月華冷浸長門道
翠輦不來春已殘
金扉未啓花先老
此時班姬雙淚垂
此時

陳后寸心悲蛾眉曲曲徒生艷
玉貌盈盈欲待誰
蛾眉玉貌成銷歇
別殿深宮羞對月
屏開翡翠素塵欺
被掩鴛鴦芳麝滅
金屋何時更來往
紈扇此生長離別
空令圓魄入金閨
空令蟾彩照羅幃
紅香冷落難成寐
惱殺啼烏半夜飛
長安思婦上高樓
見月偏驚枕簟秋
寒衣未寄清霜塞
獨夜深聞玉筋流
閨中絡緯宵唧唧
朝下裁縫暮仍織
征人遠戍在龍城
作得戎衣長歎息
與君結髮方及笄
不謂少年成獨棲
迴文織

就空傳恨團扇粧成却掩啼鴻銜尺素君可聞
寶帳蘭煙徒自薰今年且對長安月明年願作
巫山雲又不見七貴樓臺連上苑五侯甲第開
金館洞裏看花春杳冥池上聞鶯朝睨睨畫舸
風迴紫煙滅蘭堂月上香霞捲秦女吹簫雲霧
鬟越娥拂舞錦爛斑龍鬚席上九鸞下玳瑁簾
中雙燕閒簾開翠幙黃金屏含嬌含態鬪僂停
夜夜芙蓉人似玉朝朝蘭芷酒如澗新年相贈
同心結元夕爭懸長命燈不道人間有失路惟

知天上會雙星月明光光恒在天人生豈得長
相憐憂愁抑鬱春生草富貴繁華東逝川休言
豪焰凌百代休言嬌寵無時改鳳凰拋却萬年
枝睢鳩留下長生海風流裊那片時春飛燕不
來宮草新請看廢苑荒臺曲月夜精靈夢着人

姑蘇行

閨門水綠春如錦春水盈盈片帆穩遊人唱徹
江南詞共說姑蘇美不盡姑蘇山海自天開佳
麗今從 聖代回九州天府茲良是估客帆檣

萬里來黃金浮夜氣空青過西州酒徒醉擊瑪
瑙案豪家不數珊瑚鈎三條五劇芙蓉花鐘鼎
文章十萬家尚書坊裏金行馬閣老門前玉辟
邪別有豪華勝開府高館飛甍臨大路累石花
圃擬峰巒引水金塘裊煙霧金塘花圃風光好
鷺子鴛鴦滿芳草三春花落不知愁猶自延賓
醉晴吳不辭門屏繁車馬玳瑁筵開意彌下挽
入幽房興杳綿催上蘭舟更飄灑桃根桃葉雙
小仙教成歌舞勸芳筵紅衫慣作前溪綠絲扇

初番子夜篇不嫌死作合歡樹但願生爲並蒂
蓮蓮花花開香遠聞願取縫君夾錦裊水底蓮
根解人意明年開花仍奉君君不見吳王雉長
爭黃池一朝霸氣風雷飛自云祖德讓天子今
乘王氣東南陞前年入郢鞭楚王今年浮海婚
齊姜齊姜不及西施艷別畫雙蛾新樣長長洲
射獵歸來晚促賜金錢代休澣深宮夜語不飛
香承恩常是無人見繁華不爲昔人住江水悠
悠日東去采蓮惟聽今人歌落日風吹烏桤樹

歷代詩選 卷之三 後 七
洞庭山太湖水千載白雲宛相似六代三吳竟
誰是會稽謝康樂眉州蘇學士天上精靈如可
期權我扁舟泛三子我勸二公金屈厄二公酬
我白苧詞醉來引手抱明月清光豈是真娥眉
洞簫一派彩鸞下鐵篴三弄浮雲馳浮雲天際
生氛氲世路茫茫愁殺人請君拋却眼前事同
醉五湖湖上春

胡桃溝行

松州之南茂州北豺狼當道儲餉厄中丞調兵

急于火夜裏平番礮房破游擊將軍張世賢赤
心殺賊不愧天胡桃溝裏被圍急彎弧四顧心
膽宣高嶼當前後番虜箭鏑奔雷闢地戶胡驕
不幸誤一蹶徒手猶能搏彫虎芮家察將才且
都守邊不數丁大夫忍令對面不相救安在奮
勇西擊胡幾人同來不同死將軍血作溝中水
生時豪氣雄萬人死後忠魂報 天子邊城二
月吹蘆笳怨聲番入胡桃花胡桃花開白練練
溝底行人泪如綫

西山行

西山三百七十寺正德年中內臣作華緣海會
走都人碧構珠林照城郭憶昔武皇倦機務
金馬門前有權豎賣官何止金爲堂通賄能令
鬼上樹六邊將帥多奴賤未掛兵符先見面文
官細瑣不值錢鎮守監鎗動千萬熏天氣焰侔
天子噓之者生啐卽死眼前變故如掌翻有賄
方能保無事南海明珠不足尚西域珊瑚鬪尋
丈九州珍寶集京都遂使私門敵內帑人間富

貴爾所有不慮生前慮生後高墳大井擬王侯
假藉佛宮垂不朽鑿山九仞平如席殿閣羣飛
照雲日已請至尊親賜額更爲諸僧求護勅
東林畫壁千步廊西林蓮臺七寶粧南庵日月
低浮圖北寺虹霓垂石梁金銀何算委溝壑夜
夜中天生寶光釋迦釋迦爾亨會慈悲反受豪
華累土木橫起西山妖忍見蒼生日憔悴

酬孟望之

歷亂秋鴻影送我秋風悲秋風別君黃葉寺走

馬秦關今幾時秦關雍水帝王州漢闕唐陵灞
澗頭古來詞客不相負暇日獨尋名勝遊華嚴
川上雲霞開紫閣峰前錦繡堆千載磨漫輞川
畫今人指點昆明灰皇圖霸業惟流水遺魂古
祠空蒿萊昂藏四老在何處寂莫五陵真可哀
觀山觀水秋風客落日懷君晚坪赤雲中遞我
尺素書遠道開緘三歎息睢陽蔡黃門大梁田
給事明月春花軒相呼吾與子百壺傾倒不論
錢誰識長安四酒仙酬堯酌舜舜不起把酒休

歌行路難山公醉來忘捉鞭騎馬馬走青樓前
樓頭倡女遠相認襄陽小兒笑向天習家池平
幾千載山公風流至今在頭童齒豁行相及停
觴住拍欲誰待登山覽勝秋茫茫此時憶君空
斷腸東飛伯勞不辭遠瑤草靈芝好寄將

夔州簡盧朝言

巴東山高水如注遊子東行徬歸路五月江平
灩澦堆咫尺瞿塘誰敢渡峽裏雲霞日日新伏
龍躍馬已成塵清歌長嘯風流在且醉夔陽竹

葉春

官園

步屨臨清曉塵襟淨素秋井梧踈下葉畦水細
分流鳩鵲隨人喜雲霞隔苑幽園丁鋤菜甲吾
道已滄洲

齋居

夕陽動高閣密樹下層陰暮色入簾早秋寒近
榻深寂栖同睡鶴獨晤有鳴琴擾擾浮塵裏誰
哉共賞音

戊子初度

今年半百五陡覺髮華新衆羨老臣日予惟漫
浪人南州有耕畝北闕未抽身却憶鳧鷖伴相
知爾獨真

晚步

返照窺林薄循行側徑迷孤村無客至二月已
鶯啼池秀含香萼沙抽帶雨萸分明在人境終
日得幽棲

下蔡

歷代詩選

明正子衡

次集卷百七

廿三

仁

躍馬蒙城道飛津下蔡洲江湖行役遠天地此
身浮淝水寒煙積淮山叢桂秋昔人俱寂寞臨
眺迥生愁

春日有懷東林別業

野亭臨水曲栽樹半垂楊戴勝鳴陰雨鷓鴣下
晚塘人閒知帝力花發報春陽久被浮名縛龍
堦隔夢長

送許山人還潮陽

片舫飛雲色來時遶百蠻已遊北極徧仍向五

海還采藥枕椰浦誅茅薜荔山高風落桂海直
擬謝公閒

寄价夫

與子異鄉縣浮雲靡定征何由芳宴展空爾歲
華驚遠水煙霞爛芳洲杜若生中原龍卧穩落
日迥含情

途中晦日

水落軒皇國天寒郭隗臺客程殘月盡歲事一
花開雁向衡陽去雲從碣石來乾坤無定迹旅

思若為裁

和庸之韻

平郊望不極臺上遠天青
葉落鳥窺井人閒風掃
掃亭孤雲供夕眺衆籟
愜秋聽野性便幽靜非
關慕獨醒

巴峽

巴峽何年鑿千流會入夔
禹功終古賴天險蜀人
私山斷黃魚浦江沈白
馬碑英雄常失據休說
寄安危

六番

疊額師先捷松州部遠移
不緣蜀父老却罷漢旌
旗火井秋能度礪門瘴
可披六番從爾長莫作
負恩私

五十赴官

一官將白首名字落人間
直道晚成宦勞生多苦
顏茲遊方浩蕩何日遂
高閒素業黃河曲雲松
久閉關

端陽日諸僚宴集二首

佳節逢重五移尊上廣堂羈懷開造次遠眺入
蒼茫暑雨鳩林爽南薰燕幕涼喧江龍舸競無
那楚人狂

二

玉樹良朋集歡歌晚未收應時傳角黍隨俗薦
蒲甌層閣超塵響清江醒醉眸昔賢鸚鵡會悽
斷藕花洲

宿江門

崎嶇脫水峽莽蒼宿江門蜀雨非難事山雲更
易昏戒塗足夜虎遠夢惱秋猿邊裔方多警驅
馳敢厭煩

城西李氏園宴集

林迴盤浮靄江清映白沙雨荒錦水竹煙暖少
城花旅食宜風土春遊眷物華此中堪逸老何
必問丹砂

夏日林居

林卧真吾愜芳菲况夏園種桃臨甃碧架蕨綴
門繁野雀毆垂下山蜂抱葉翻相關幽事足誰

歷代詩選

明王于衡

地

復夢乘軒

二

衡宇侵雲白喬林蔽野青真堪澤豹變不礙學
鴻冥一壑予將老三閭爾獨醒行藏漫回首天
地總浮萍

三

向夕雲霞映蒼茫川渚幽未辭鶉火月已近草
虫秋徵土黃花逕騷人白芷洲奈林歸卧穩吾
道爾同仇

四

柴門青對野吟眺澹忘歸樹晚明霞綴沙晴翠
羽飛山林吾志在天地此生微擾擾人間世風
塵今息機

石井別業有作

花暗棠梨浦禽鳴桑樹林濃霞淹曙色微雨作
春陰田父班荆坐漁翁濯足吟偶來人境外銷
却宦遊心

海市

歷代詩選

明王于衡

次集卷百七

廿七

大

歷代詩選 明王守仁 卷
四月潛陽達雲煙拍島生無風能裊裊匝水故
盈盈恍惚靈仙駕飄颻罨畫城人心多想像虛
擬蜃爲情

下邳

敝館荒城曲孤舟野水邊月明新霽夜風冷欲
霜天長路勤民隱勞歌敢自賢雖然塵濁日時
有白雲篇

宿金城

風水維舟听金城伐鼓餘淒涼行澤國迢遞憶
家書逆旅坐星飯澄湖聞夜漁雞鳴向前路沙
月引空虛

宿淮上寄何仲默

旅泊清淮夜扁舟怯獨行風鐘半淪滅水月共
微明放逐甘吾道棲遑念友生高歌視雄劍不
覺壯心驚

晝眠

日出沙垠白潮迴島岫懸柳春輕裊裊竹雨淨
娟娟地僻多幽事官閒足晏眠真成叔夜懶更

歷代詩選

明正子衡

增

奧子雲玄

寄价夫

念汝詞林彥時清興不踈講筵回大道直館校
殘書台候神仙上鸞儀夢寐餘岷江東入海何
處覓雙魚

遠遊

桃岍明深火鷗沙落細雲雨晴春富麗江漲路
支分軒冕終何事丘園有故羣遠遊仍素食意
緒日紛紛

江上作

官事催行役無由暫取閒沿江三月路全蜀萬
重山道拙文章外顏摧旅寓間不知王子贛何
日出秦關

飛仙閣

裊裊飛仙閣空言逼斗辰江流平入楚棧道遠
通秦伯主并吞舊風雲戰伐頻終成失天險切
莫棄君臣

山行

歷代詩選

明正子衡

次集卷百七

廿七

歷代詩選 卷之三 律 七
雲淨羣山出行輿暫一停飛泉明素練蒼壁倚
雕屏佛界丹青古仙人洞壑靈沿迴隨去住彷彿
昔曾經

夏日飲孫貞甫園亭用韻

華亭孫太史夏宴敞林堂池上鶯啣滑琴中水
調長行杯方瀲灩落日太匆忙醉息陰陰木無
煩風灑裳

春日遊覽近郭山水

華春已隨處逸興若遊仙忽到蒼厓下閒聽萬
壑泉折麻思遠道濯耳仰高賢勝事雙溪曲重
來詠采蓮

二

近山奇絕處蕭灑此攀躋已歷翠微盡真堪肥
遯棲瀑泉喧上界竹樹暗中溪日暝下山去蒼
茫路欲迷

宦跡

宦跡何淫滯吾生亦有期空歌白石調誰采北
山芝忽見春花滿坐令歸興滋茫茫懷二仲江

海掛帆遲

送萬中丞士鳴二首

憐君幽志遂五十卽懸車
深入煙霞壑清便水
竹居壺尊藉草處沮溺
話耕餘要在慎眠食閒
中休著書

解却臺中綬何慚世上
雄人皆憐躍馬君已附
冥鴻生斗終朝北江河
日向東豈無清夜夢還
與紫霄通

別侯汝立員外

客路薦觴酌雙旗爲子
留遲回歸闕念浩蕩出
關愁飛雨懸山閣殘霞
掩戍樓澧橋春水澗不
得並膺舟

秋夜宿朱山人林亭

木葉已下地凄然秋意
深對君明月夜瀉我素
琴心河渚迷歸棹關山
起暮砧客愁淹不散枉
自宿青林

自述用庸之韻

深代詩選

明正子衡

次集卷百七

四

休劇談天驚稷下漫希圖閣動西京魚龍駭浪
有何貴霄漢浮雲空爾名錦里先生收芋足於
陵仲子灌園成故山春好不歸去枉却松苓日
日生

帝京篇

帝京南面俯中原王氣千秋湧薊門渤海東波
連肅慎太行西脊引昆侖九皇天運坤維奠
萬國星羅北極尊堯舜昇平見今日按圖形勝
不須論

秋懷

燕燕辭巢菊着花鄉心羈思浩無涯人間渤海
幾時靜天上星河逐曉斜羽扇綸巾新道服青
林白石舊田家誰堪潦倒塵埃裏日日秋風長
鬢華

早朝瞻望宮闕

中天象緯已斑斕法鼓逶迤肅從官旭日晴霞
散餘彩玉樓金閣近高寒未央雲裊三珠樹太
液風和九畹蘭何幸樗材將白髮皇家日日

接鷓鴣

秋日寄懷元傑

梁苑行歌誰阮籍河壩垂釣卽滄浪荒延薜荔
幽人戶閒對松筠給事堂明月臨來常縱酒玉
琴彈罷漫焚香相思真負秋花約回首應慚鷗
鷺行

有懷德泊

康子要爲天下士斯文今滯武功原天將衛叔
成仙友人恨長庚落帝閨霖雨無媒龍偃蹇梧
桐有待鳳飛翻相思欲附東陵信好及秋風雁
去繁

部齋閒居簡周伯明寅長

省垣梧竹抱幽虛吏散蕭然似隱居風冷池亭
猶聒憤日斜窗几有攤書身依人明主忻難遇
官佐戎機愧自疎有美東曹稱獨步腐儒何幸
接簪裾

淮漲

淮浦水深八尺強新城舊城如巨洋行舟欲泊

歷代詩選

明正子衡

次集卷百七

四三

立

歷代詩選 卷之三 後 聖
苦迷听居市半空惟堵墻浮橋鎖斷津吏悶遠
湖口決漁人狂顧我情非羨魚者臨淵終日詠
滄浪

邊司徒悼亡次韻

萼綠華來曠世聞謫仙那得久人羣空將錦瑟
傳孤調無復鴛羅刺五紋月裏罷搖雕玉佩花
時猶妬鬱金裊東堂見說遺情在十二峰頭有
暮雲

苦熱

南京六月梅雨積溫濕蒸炎悶殺人衣冠出門
苦流汗簿書堆案兼勞神何時中夜寒露滴安
得北海水壑隣輸與鴟夷五湖客風江颯颯吹
綸巾

答孟中丞雨中卧病見懷韻

使君真屬草玄才帝側仙官被命來曾向危途
隨羽翼漫誇高誼有陳雷文章幸藉江山麗懷
抱多從風雨開竊祿舊京公事簡不妨臨眺共
銜杯

金陵懷古

石城鍾阜擬仙洲
 虎踞龍蟠控上游
 昔在梁陳稱富麗
 問誰臺榭枕山丘
 草青南浦有遺恨
 潮打西陵空暮愁
 倦客中原頻送目
 斷鴻滄水迥悠悠

胡山人留飲

江春日日催野芳
 江上柳條金縷長
 檐車絡馬踏青早
 石壇綺閣攀雲涼
 野人區區獻濁醑
 山鳥嚶嚶喧夕陽
 醉來天地兩衾枕
 茲遊真入無何鄉

何鄉

秋興

碧水清霜冷緼袍
 無媒滄海詫相遭
 冥鴻戀野有何意
 獨鶴橫秋他自高
 三島樓臺生夢想
 二儀風雨入詩騷
 誰人更念蘇司業
 爲解金龜換濁醪

一舸

淮陰南下惟煙水
 石埭晴湖蕩漾春
 楊柳青青歸興遠
 鳧鷖片片客愁新
 三年天上無明赦
 隨

處江邊有逐臣霄漢風雲多變態剛留一舸許
相親

初至縣

芙蓉殿裏罷通籍滄海洲邊遠寄家水客珊瑚
秋蕩月皎人冰燄夜生花五湖今遂鴟夷舸三
島終逢博望槎鶴馭鼈竿真入手金符黃綬未
須誇

建業旅思

清江碧石旅愁銷白下春生七十橋燕客楊園

花學舞采芳沙苑雨如潮西山拄笏忘言久東
海乘槎寄興遙惆悵無緣遂幽志蓬萊歸去覓
仙樵

招歐翁飲酒

蠶叢萬里獨遊身碧水青山滿意春閒日旅懷
聊自放殊方節俗任相親少城燕子已無數錦
里桃花半未勻珍重賓曹老賓友銜杯莫厭過
西隣

寄劉遠夫

歷代詩選 明正子衡
曾陪丹陛持霜簡共謫窮荒歎晚途江外相思
前夜夢河壖歸到幾封書行藏自分青山好勛
業番驚白髮疎君在濠梁多樂事人情觀盡最
知魚

寄張太微

悠悠江海獨逢春却對春風憶故人曠覽幾時
同五嶽舊遊何日更三秦移山志業空煙霧絕
代文章付隱淪欲託飛雲寄神物只愁龍劍化
通津

蘇州別葛李遂

鸞彩飄翩吾國彥秋風邂逅闔閭城阿誰勾漏
丹砂就忽漫滄江白髮生吳女采菱潮月上蓬
仙吹笛水龍驚蘭尊畫舫聊今夕獨鶴遊雲萬
里情

客歎

長歎梅生投百粵何如鄒子困夷梁迷途重以
風波惡蓬髮兼之歲月長海內豪賢驚後輩人
間節俗厭他鄉青衫繡紱飛塵滿鳳德能辭笑

歷代詩選
楚狂

過白渠訪王堯卿聞遊江南不遇

飛龍闕下黃門士辭却蒼生向草萊
浮世幾年憂路迫青山終日對花開
三洲黃鵠難相並八月仙槎浪自回
雲谷漫漫閉風雨綠莎侵上子真臺

五月

五月涪江信水生
淒迷風雨下夔城
舟經巴子峽東夜心折
清猿樹裏聲逐客漫
寒幽岼芷孤

臣空濯舊時纓
沅湘何處三閭國
欲擬招魂弔屈平

旅興

旅遊日日滯歸槎
歲杪鴻飛苦憶家
采采雨荒陶令菊
離離秋冷邵平瓜
幽時夢想烏皮几
遠道愁吟白鼻騮
回首乾坤真浪跡
風塵荏苒一長嗟

寄王錦夫

海沲搖喬木蘭舟
悵望天人紫綺裘
白日星辰

歷代詩選

月王子衡

次集卷百七

四

逃上部層霄雷雨灑玄丘三千錦帔真娥會十
二鸞笙帝子遊誰念葛洪丹竈冷萬峰雲裏獨
悲秋

梁山

梁山黑水華陽國雲棧金牛只一門九折坂回
誰氏馭三聲猿斷北來魂可堪作客音書絕賴
有逢花酒盞繁忽劇川南豺虎亂夜來歸夢遶
中原

寄郭价夫學士

玉堂清切紫宸朝獻納從容髣雪銷君相明良
新寶曆神仙行隊舊丹霄時平重有金錢會海
晏何煩銅柱標苞鳳文章今瑞世莫從芸閣羨
渙樵

江上寄俞國昌郁希正二同年

客思憐春春不違放晴江日轉暉暉苑深楊柳
鶯能早渚暖菰蒲雁未稀抱甕丈人甘守拙焚
魚學士最知幾誰堪白首華軒戀誤却綸竿沙
水磯

寄趙舉人習

前年相見深相慰
別去飄蓬復渺然
懸榻可禁風雨夜
過江常夢孝廉船
漢家博士先三傳
揚氏門生守太玄
何日雲霄排羽翮
祥鸞逸鶴看高騫

泰陵果園

柿晚紅含火
梨秋脆得霜
誰期陵樹果
猶有舊臣嘗

柳枝詞

休種江頭柳
長條空自妍
春來郎別妾
不繫木蘭船

漢上歌

楚山十日雨
高漲落江湖
捲霧遊龍去
粘天白鳥呼

二

漢水經秦塞
飛流落九天
騰波如虎眼
愁殺上江船

三

歷代詩選

悽斷羊公石多年卧草萊今人不墮泪古字日
生苔

葡萄

獨立山上桐高風日摧委不及纏綿枝年年結
成子

雨秋

山城一夜雨客意已深秋况對臨湖寺千松翠
欲流

閩中雜咏

碧柳長梢淑芳蕪綠遶灣山花齊繡日不肯放
春閒

又

二月江山麗三巴書信稀野臺聊寓目時見楚
雲歸

又

春風幾時來幽崑已青峭野逕無人行孤花自
相照

秋興

歷代詩選

明臣子

次集卷百七

臣

宋玉天南客秋來愁自深清霜數行雁明月萬家砧

春風宮詞

二月昭陽春已和牡丹亭館幾經過門前亦有
開花樹玉輦不來庭草多

夜聞子規

子規小鳥自呼名啼罷江樓已四更枕上夢回
猶是客誰能不起故園情

蕪城歌

煬帝看花太放顛錦帆龍舸萬千千情多化作
相思鳥夜夜蕪城聞杜鵑

又

莫向隋宮問六朝瓊姬玉蕊已煙消祇今惟有
湖邊柳猶對春風學舞腰

海上雜歌

洋中洲島依然在人代沈銷竟不還石甬虛傳
秦帝路勾城誤指越王山

白菊

歷代詩選

月正午

次集卷百七

三

清霜未許摧堅節明月真堪照素心耐可陶公
岑寂後野欄寒日草花深

送盧師邵侍御還京


玉殿氤氳午夜香與君曾此侍龍牀不堪楚水
巴山外舊夢秋迴萬里長

巴人竹枝歌

郎在荆門妾在家年年江上望歸槎茶蘼一樹
高如妾縱有春風在却花

寄何粹夫

河渚迢迢雁去遲君今何處遂幽期梅花吹徧
瑤笙冷靄靄天壇月落時



石倉十二代詩選

明次集卷一百七

終

歷代詩選

卷一百一十

四文集卷一百一十

巴山外舊夢秋迴萬里長

巴人竹枝歌

郎在荆門妾在家年年江上望歸船茶蘼一樹

舞笙今霽霽天壑月落秋

何處豈豈孤去豔昔今何處送幽棋蘇芥郊

